

569000

平定兩金川方畧

四

四

平定兩金川方略

卷一

一

平定兩金川方略卷之一百二十二

八月丁丑阿桂。豐昇額。海蘭察。額森特奏言。臣

等於十五十六兩日。由托古魯山腿趕拏木柵而下。該處距賊寨甚近。而科布曲山腿鎗礮。及轉經樓等處烏鎗。均可相及。賊又伏於各寨內。不時出擾。我兵迎住截殺。殲戮頗多。但托古魯山腿迤邐將盡處。有隆斯得寨落三座。我兵不

論往攻何處。均須從旁經過。賊衆聚守。爲勒烏
圍東南屏蔽。若不先爲掃除。難以拏柵直下。殊
於進攻有礙。十七日。派普爾普。瑚尼爾圖。官達
色。額爾特等。帶兵拏柵。並分頭攻打隆斯得寨。
是寨爲賊人收藏鉛藥之地。守禦甚嚴。自午刻
攻至申刻。官兵擁上礮頂。斧劈寨門。將兩寨攻
克。殺賊三十餘名。來援之賊。復潛人最後一寨。

合力守禦至亥刻。并攻開。其竄出者多爲鎗
箭所斃。寨內有房一間。堆貯鉛子。積地二尺至
數寸不等。又有火藥一百餘簍。俱行收獲。當將
隆斯得三寨佔據。卽從此接拏木柵。查勒烏圍
轉經樓中間寨落。前此派兵繞道焚燒。雖已燬
十之七八。但隆斯得寨未經克取。官兵尙不能
於此佔據。而賊人仍潛伏各寨。以爲迎拒聲援。

自當搶佔此中間各寨。始可拏柵前進。十九二十日夜。接連發兵攻打。將各寨落奪據。拏柵三十餘座。礮臺七座。往前進逼。至福康安烏什哈達等。於冷角喇嘛寺前分攻。亦川大礮自北而南。合轟勒烏圍官寨。並直前接拏數柵。已抵官寨稍北。至近高礮。相去不過一箭之地。飭令每夜派兵設伏礮下。如賊有竄逸情形。卽行截殺。

查托古魯山腿及冷角寺兩處均已運大礮轟
摧。幾於每礮皆中。而衝天礮亦已運來施放。但
官寨高大堅厚。惟仗礮力逐漸轟摧。不能不稍
延時日。自當以截斷後路爲迅捷。今官兵所佔
之地。已插在勒烏圍轉經樓中間。其礮上往來
之路已斷。但此下尚有路一條。在崖礮之下。河
灘之上。而官兵欲斷此道。其前復有大礮寨一

平定回疆方略卷之百三十三
三
座。寨之左右。又聯以羣寨。必須攻克此處。則其餘寨落。旣易掃淨。且斷崖礮以下之路。而勒烏圍與轉經樓。及各處賊人來往。無路可通。更難死守。但此寨亦極高堅。現已攢礮力摧。並卽發兵攻搶。以期必克。

同日。明亮舒常奏言。查賊人恃扎烏古山梁險要。於丹扎木各寨之前。悉衆死守。臣等體察賊

情其前寨落聯接。守禦甚嚴。若出其不意發兵
渡河而東。取路深入。再過西岸。從扎烏古山下
自內衝出。而正以兵在外夾攻。賊必易於潰散。
隨於十四日晚。卽齊集船隻。挑選屯土勇銳兵
丁四百名。派令委署章京祿慶。土千總二什格
帶領。而以投番阿布僧太。及霍爾甲阿咱格拉
等。爲之引導。於丑刻渡至東岸。至扎烏古對面。

復渡而西。務在聲息無聞。使賊人不覺。一面卽
派和隆武、德赫布、珠爾格德等沿河直進。接應
在內兵丁。而以奎林統攝各隊將領。分頭努力
攻取。臣等在後策應。於十五日黎明。一擁過溝。
各寨內賊人鎗石。應聲而至。正當彼此相持。而
扎烏古放鎗甚緊。正路各官兵共知此番舉動。
等之破釜沉舟。倘少存畏難之見。則在內一路

屯土兵丁。竟無一人得脫。極有關係。無不奮勇直前。將丹扎木所有寨落。逐層攻破焚燒。與屯土兵丁兩面夾攻。敖成亦於甲索進攻牽綴。賊人棄碉逃竄。爲我兵前後殲殺無算。當卽合兵一處。乘勝搶上扎烏古山梁。適救援之賊。紛紛自上而下。我兵爭先迎殺。親見爲首賊目。身帶箭傷。卽時敗退。現詢之投出番人。卽係阿卜策。

妄。是日並有頭人勒富斯丹巴普賴申扎二名。
焚斃丹扎木寨內。將至申西之間。將丹扎木悉
行洗蕩。移營守禦。而扎烏古山梁。將到臨河。復
分爲三腿。其第一條山腿之上。業經佔據。去勒
烏圍對面更近。但溝南溝北。沙爾尼一帶地方。
雖已掃除。而其上。克爾瑪斯底葉安。及納木迪
曲碩木等處。皆足爲後路滋擾之患。必須由扎

烏古向上進攻。接通敖成甲索一路。則克爾瑪等處賊人。皆攔截在內。不攻自潰。現將後路各要隘。築礮聯絡。即可省出兵數。抽赴前敵。爲并力進攻之用。均奏入。

上諭軍機大臣曰。阿桂等奏攻克隆斯得賊寨。係賊藏貯鉛藥之所。現獲其火藥一百餘簍。其鎗子堆貯屋內。自數寸至二尺餘深。此必係賊人前歲在

木果木刼取者。今經官兵收得。實爲快意。此寨一
得。賊人鉛藥無資。自更難於守拒。官兵攻勦。尤當
迅捷。至明亮處攻奪扎烏古山梁。派委之屯土兵
丁。及引路之降番阿布僧格太。霍爾甲。阿咱拉等。
應甚爲出力。自予以獎勵。著明亮卽傳旨將阿布
僧格太。霍爾甲。阿咱拉。三員。酌賞緞疋。其屯土勇
銳兵丁。著各賞一月錢糧。俾伊等益知鼓舞。至於

番地路徑。土兵固所熟悉。然用爲嚮導則可。若攻
堅越險。則索倫吉林兵丁。皆所優爲。卽綠營中亦
有可供驅策者。遇攻打碉寨之事。自應將滿漢兵
丁。與屯土各兵。一體選派。業已節次傳諭。何以明
亮此次進攻。仍專選屯土兵四百名。獨當一面。並
不派令索倫吉林。及綠營精銳兵丁。合力前往。殊
屬非是。又明亮摺內。稱後隊官兵進攻。尙少存畏。

難之見。則在內屯土兵丁。竟無一人得脫等語。是明亮未嘗不知此地之危險。而令降番土兵前往嘗試。倘使若輩窺破。必私相抱怨。謂將軍不惜伊等身命。令其前驅冒險。豈肯復安心出力。且同係番人。其爲賊死守抗拒者。實堪切齒。必當殲戮無遺。若旣已投誠。卽與內地之人無異。自當一視同仁。至屯土兵衆。均係効力隨征。尤不應稍存岐視。

將軍等若專於滿漢兵丁。優加體卹。而於降番土練。視爲無足重輕。不稍顧惜。如此卽爲不公。此事甚有關係。著傳諭阿桂等一體遵辦。

臣等謹案屯土各兵。踴躍從征。且番境熟悉。軍營固爲得力。至於臨危薄險。節力均勞。尤在將兵者均平調遣。茲攻奪扎烏古山梁。發兵渡河而東。復潛過西岸。自內衝出夾攻。雖